

مجموعه ابو الخیر

ماسوا شایه سندن دلی تطهیره چالش
بر تو حکمت و عرفان ایله تور و آتش

علوم و معارفدن بحث ایدر. و هر ماه عربی ابتدا سیله اون بشته نشر اونور مجموعه در.

عدد ۲۶ - جلد ۳ [فی ۱۵ محرم سنه ۱۳۰۰] [نهمده سی ۳ فروش]

ملتک معروف و منفعتنه ارباب اغراضدن ایسه کنديس-نک نام و شهرته خدمت ايتش اولسون.

سعيد بك افندی حضرتلرينه مکتوب

سعادتلو افندم حضرتلری هر کس بیلر وینه هر کس دن اعلا کندم بیلرم که بنده کزله ادبیات آره سنده کی مناسبت اجله ابدان بعض ذوات ایله حاصل ایلدیکم انستیدن عبارتدر . حالویله ایکن « حامد بکه جواب عنوانیسه » ترجمان حقیقتده نشر بیوریلان مقالات علیله رینک بر ایکی فقره سنده نام عاجزانه می - اقصى الغایات معرفت اولان فضائل ادیبی سایه عرفان واجتهاد لیله احراز ایلان - اعظمک تصویر احوالی صره سنده ایراد بیورمه کز (واقعا مشار الیهک شأنه ایراث نقصان ایتزه سده) بنده کزی حتی اصحاب انصافه وارنجه هر کسک خنده استهزاسته هدف ایتکدن بشقه بر نتیجه حاصل ایتز . بناء علیه ذات عالیکز هر نه فکرده بولنورسه کز بولولک بنده کز نه کنیدی استهزا ایتدیرمک آرزو سنده می ؛ نه ده دوچار استهزا اولغه سبب ویره ییله جک توصیفلری حسن تلقی ایدن طاقندم . چونکه هیچ بروقت کنیدی اولدیغمن بشقه عد ایتک المدن کلز .

بر طاقم مؤلفاندن نقلاً بر قایج یاپراق مجموعه طولسیرمق و بش اون ذالک آثارینی بر کتابده جمع ایله آدینی نمونه ادبیات قویق بر آدم ایچون حجت فضل و عرفان اولورسه اقلام دولته کی دفترچی افندیلرک هر بری کثرت مدونات خصوصنده ابن سیناره پیله ادعای رجحان ایتلیدرلر . بناء علیه حق عاجزانه مده کی افاداتکزک اساساً مجروح بولندیغنی بیاندن هیچ بروقت کری طورده م . باقی ...